

欽定大清會典事例

欽定大清會典事例卷四百九

禮部

相見禮

相見禮通例
王公塗遇儀

王貝勒府慶賀儀
京官敬體相見

京

官屬

官見長官

順天府職官

京官塗遇儀

奉天府職官

國學師生

見

直省文職官相見

相見禮通例。凡外藩親王見親王之禮。至府

第。令從官致辭。王府執事官轉啟。乃延賓。賓下

馬入。主人降階迎賓。升入殿中門。賓東面。主人

西面。行二跪六叩禮。興。賓西。主人東。各就坐。從

官階下。北面東上。二跪六叩。興。由右門入。從賓

後坐。執事官獻茶。賓受茶。一叩。主人答。飲訖。從官楹前跪。一叩先退。賓離席。一叩辭。主人答。興降階。送賓出。執事官送賓於大門外。外藩郡王見親王。主人出殿迎。不降階。賓升。主人導賓入。賓二跪六叩。主人跪答禮半。賓辭退。離席跪。一叩。主人跪受如初。興導賓出。送於殿外。餘如外藩親王禮。外藩貝勒見親王。賓由殿右門入。主人出坐迎。賓北面行。二跪六叩禮。主人立受。即席正坐。賓侍坐。辭退。賓離席跪。一叩。餘如外藩郡王禮。外藩貝子公見親王。府屬官引賓入殿。

二跪六叩。主人坐受。辭退。賓離席跪一叩。從官趨階下跪一叩。興隨賓出。餘如外藩。貝勒禮。外藩親王見郡王。主人迎送於大門內。見畢辭退。賓主各就坐一叩。餘儀及外藩郡王見郡王。均如內外親王相見禮。外藩貝勒見郡王。如外藩郡王見親王禮。外藩親王見貝勒。主人迎於大門外。賓入。主人從。賓主各一跪三叩。從官亦一跪三叩。辭退。主人送於大門外。外藩郡王見貝勒。賓主一跪三叩。餘均如外藩親王見郡王禮。外

藩貝勒見貝勒賓主一跪三叩。餘如內外郡王相見禮。外藩貝子公見貝勒賓一跪三叩。主人跪拱手受。餘如外藩貝勒見郡王禮。外藩王貝勒見貝子。賓主一跪一叩坐。從官一跪一叩。辭退。從官跪叩如初。主人均拱手受。送於大門外。候乘馬乃退。餘如外藩親王見貝勒禮。外藩貝子公見貝勒。如內外貝勒相見禮。外藩王貝勒見宗室公。如外藩王貝勒見貝子禮。外藩貝子見宗室公。主人迎送於大門外。餘如外藩郡王見貝勒禮。外藩公見宗室公。如內外貝子相見。

禮。○凡在京王公塗遇之禮。親王出。郡王讓道。貝勒儀衛引避。讓道旁行。貝子鎮國公勒馬鞠躬立道旁候過。輔國公固倫額駙和碩公主額駙鎮國將軍民公侯伯一品官以下。皆下馬。郡王出。貝勒以下。與遇親王同。貝勒出。貝子鎮國公固倫額駙和碩公主額駙讓道旁行。輔國公鎮國將軍民公侯伯內大臣都統尚書勒馬立道旁候過。二品官以下皆下馬。貝子出。鎮國公固倫額駙和碩公主額駙分道行。輔國公鎮國將軍民公侯伯子內大臣都統尚書讓道旁行。

輔國將軍男副都統侍郎及參領等官。勒馬立道旁候過。佐領等官以下皆下馬。鎮國公出。輔國公鎮國將軍民公都統尚書分道行。輔國將軍副都統侍郎及參領等官。勒馬立道旁候過。佐領等官以下皆下馬。輔國公出。鎮國將軍都統尚書分道行。輔國將軍副都統侍郎等官讓道旁行。奉國將軍參領佐領等官。勒馬立道旁候過。護軍校驍騎校等官及軍民人等皆下馬。鎮國將軍出。輔國將軍副都統侍郎分道行。奉國將軍參領佐領等官。勒馬立道旁候過。護軍

校驍騎校等官及軍民人等皆下馬。輔國將軍出。奉國將軍參領等官讓道旁行。佐領等官勒馬候過。護軍校驍騎校等官及軍民人等皆下馬。奉國將軍出。佐領等官讓道。護軍校驍騎校等官及軍民人等皆勒馬候過。○凡王貝勒府慶賀之禮。親王郡王生辰及元日。本府屬員謁賀。行二跪六叩禮。貝勒生辰及元日。所屬行一跪三叩禮。○凡京朝官敵體相見之禮。賓至門。主人迎於大門內。賓降輿入。主人揖賓入。及階讓於賓。賓西。主人東。升至廳事。賓主皆北面。再

拜興。主人趨正賓坐。東嚮。賓禮辭。主人固請。卒正坐。左還。賓正主人坐。西嚮。如賓禮。賓就坐。揖。執事者獻茶。賓受茶。揖。主人均答揖。賓起告辭。揖。主人答揖。賓降階。主人降送。及門。賓揖。主人答揖。賓禮辭。主人固請。送賓於大門外。賓升輿。主人揖送。賓降一品者。主人趨正賓坐。賓辭。賓還正主人坐。辭如之。餘儀同。二品以下。京堂官至翰詹科道。見大學士。主人迎於儀門內。送於大門外。不視賓升輿。餘儀同。五品至八品。官見大學士。賓至大門外。降輿入。主人迎於堂階下。

賓由階東升。主人導賓入。賓北面拜。主人辭。賓三揖。主人東面答揖。賓趨正主人坐。主人禮辭。固請。卒正坐。左還。告坐揖。主人答揖。賓西面。主人東北面坐。若旅見。則賓以次西面坐。北上。茶至。賓起受茶。揖。主人答揖。坐飲。啟事畢。辭退。三揖如初。出。主人送於二門外。科道見左都御史。左副都御史。各部尚書。如京堂官。見大學士。儀翰詹科道。見二三品官。如賓降一品禮。見四品官。如同官禮。○凡京朝官塗遇之禮。固倫額駙。出鎮國公。和碩公主。額駙。分道行。輔國公。鎮國

將軍民公侯伯都統尚書讓道旁行。輔國將軍副都統侍郎及參領等官勒馬候過。佐領等官以下皆下馬。民公侯伯和碩公主額駙郡主額駙出。都統子尚書分道行。副都統侍郎等官讓道旁行。參領郎中佐領員外郎雲騎尉主事等官勒馬候過。護軍校驍騎校等官及軍民人等皆下馬。內大臣都統子尚書縣主額駙出。副都統侍郎等官讓道旁行。參領以下與遇民公侯伯同。前鋒護軍步軍統領副都統侍郎男郡君額駙出。參領郎中等官讓道旁行。佐領以下與

遇都統同。一等待衛護衛參領輕車都尉郎中
縣君額駙出。佐領員外郎雲騎尉主事等官讓
道旁行。護軍校驍騎校等官及軍民人等皆勒
馬候過。二等待衛騎都尉佐領員外郎鄉君額
駙雲騎尉主事等官出。護軍校驍騎校等官及
軍民人等皆讓道行。○凡屬官見長官之禮。初
見屬官公服詣署。首領官引自東階升堂。具銜
名履歷呈於各長官坐案。屬官以次各嚮上三
揖。長官咸避席答揖。退。若燕見於私宅。如五品
官見大學士儀。○凡國學生見國子師之禮。初

見弟子公服詣學。首領官引自東階升堂。北面三揖。侍立於左。西面受教畢。三揖如初。退若燕見於私宅。入門通名。俟召。師迎於階上。弟子升階揖。俟師入門。從入。北面再拜。師西面答揖。遂趨正師坐畢。左還命坐。北面揖。弟子西面。師東北面坐。若旅見。弟子均西面北上。茶至。起受茶。揖。坐飲。受教畢。辭退。三揖。師咸答禮。送至二門。師前行。弟子從。俟師入。三揖。乃退。翰林院庶吉士見大學士暨教習庶吉士亦如之。○凡直省文武官敵體相見之禮。賓乘輿至署門。吏稟白。

啟門。儀衛止門外。賓由中門入。至堂檐下降輿。主人出迎於檐前。揖入。賓退。送於初迎處。視賓升輿。退。餘與京官同。品相見。儀同。○文職屬官見長官之禮。司道初見督撫。具銜名履歷。公服詣署。大門外降輿。入自左門。長官迎於堂後屏內。先行。屬官從。至廳事。稟庭參。長官辭。三揖。命坐。揖。長官正坐。屬官西面坐。若旅見。則東西面。均北上。受茶。揖。辭出。三揖。每揖。長官咸答揖。送至屏門外。屬官北面三揖。長官西面答畢。先入。屬官復三揖。趨出。至大門外升輿。退。若燕見。常

服通銜名。不稟參。餘儀同。知府直隸州知州見督撫。行庭參禮。稟拜見。免。三揖。長官不迎送。餘與司道同。府倅見督撫。轅門外降輿。餘與知府同。州縣教職直隸州佐貳官見督撫。轅門外降輿入。北面再拜。興。三揖。告辭。三揖。長官皆立。受。不答揖。餘與府倅同。首領佐雜官進見。行一跪。三叩禮。不揖。不坐。知府直隸州知州府倅見司道。司迎送於屏門外。道於堂檐下。坐次。屬官西面。長官東北面。餘與見督撫同。州縣教職直隸州佐貳官見司道。長官不迎送。餘與知府同。首

領佐雜官見司道。與見督撫同。州縣教職見知府。迎送於屏門外。餘與見司道同。首領佐雜官見知府。與見司道同。州縣教職見府倅。迎送於堂檐下。餘與見知府同。府首領縣佐貳官見府倅。與州縣見司道同。雜職官見府倅。與見知府同。直隸州屬知縣教職及雜職官見知州。與見知府同。雜職官見州縣。與州縣官見知府同。見直隸州州同州判。與見知縣同。○武職屬官見長官之禮。副將初見提督。具銜名履歷。披執佩刀。至轅門外下馬。門吏稟白。傳命免披執。易補

服由左門入。至廳事。北面稟庭參。長官辭。三揖。長官西面答揖。正坐。屬官西面坐。茶畢。辭退。三揖如初。長官送至檐下退。若燕見常服。通銜名。餘儀同。參將遊擊見提督。北面跪。三叩。興。三揖。坐。辭退。揖如初。長官起立於位答揖。出不送。餘與副將同。都司守備初見提督。披執。長官正坐。屬官入。北面跪。自宣銜名。三叩。興。西面席地跪。坐。不設茶。辭退。三叩如初。趨出。長官不起立。若燕見常服。不宣銜名。餘均與遊擊同。千總把總見提督。不坐。餘與守備同。副將見本鎮總兵官。

長官迎送於堂後屏內。坐次。長官東北面。屬官西面。屬官揖。長官平立答揖。餘與見提督同。參將遊擊見總兵官。坐次。長官正坐。屬官西面坐。屬官揖。長官西面答揖。出不送。餘與副將同。若非本鎮所轄。儀與副將見提督同。都司以下官見總兵官。皆與見提督同。遊擊見本協副將。茶畢。辭退。長官離坐送。餘與見總兵官同。都司守備初見副將。三叩。長官起立。告辭。不揖。不送。餘與參遊同。燕見。三揖。長官答揖。餘儀同。非本協所轄。與參遊同。千總以下官進見。與見總兵官。

同。都司守備初見本管參將遊擊。稟庭參。長官
辭。三揖。長官西面答揖。告退。長官離坐送。餘與
見副將同。燕見。三揖。告辭。揖如初。長官咸答揖。
餘儀同。非本管者。迎送於大堂後屏內。餘儀同。
千總以下官見參遊。與見副將同。千總初見都
司守備。與守備見參遊同。燕見。一揖。告辭。不揖。
餘儀同。把總初見都司守備。三叩。長官答揖。告
辭。起立不送。餘與千總同。○文武官相見之禮。
提督見總督。三揖。總督正坐。提督隅坐。若提督
帶一品世爵者。總督西面。提督東面。餘與敵體。

相見同。總兵官見總督。與司道同。副將見總督。初見披執。燕見常服佩刀。均北面跪。三叩興。西面立。茶畢。北面三揖退。見巡撫與知府同。參將以下見督撫。均侍立不坐。餘與守備見提督同。千把總見司道如之。司道見提督。與提督見總督同。知府同知通判見提督。總兵官與司道見提督同。州縣見提督。具銜名。由左門入。提督迎於階下。至廳事。三揖。就坐。提督正坐。州縣西面坐。茶畢辭出。三揖如初。提督送至堂後屏門外。揖退。見總兵官儀同。八九品以下佐雜官見提

督總兵官與見督撫同。餘官相見均如敵體儀。
○河道漕運各總督與直省官相見之禮與督
撫同。學政與督撫相見用敵體儀。司道見學政
具銜名。儀門外降輿。學政迎送於堂檐下。餘與
敵體儀同。知府直隸州府同知通判見學政不
稟參。送至堂後屏門外。餘與見督撫同。州縣見
學政初見庭參。常見三揖。學政咸避席答揖。送
至堂後屏門內。餘與見督撫同。教職見學政初
見再拜。常見三揖。學政皆起立拱手。餘與州縣
同。首領佐雜官見學政與見督撫同。若學政官

三品以上者。司道以下官進見。均與督撫同。鹽政及

欽差官與各官相見。均與學政同。運使鹽道見鹽政。與司道見督撫同。運同運判見鹽政。與知府見督撫同。科目出身鹽大使見鹽政。與知縣見督撫同。滿漢官相見之禮。自司道以下官見將軍。與見總督同。見副都統。與見總兵官同。協領參領見督撫。與司道同。佐領防禦見督撫。與知府同。驍騎校以下官見督撫。與州縣同。餘官相見。皆如敵體儀。○直省學校生員見師長之禮。

學政莅任後。講學於明倫堂。教職引本學生員
謁見。咸公服重行。北面再拜。學政拱立於位。歲
科試畢。生員列一二等者。咸公服詣試院。升堂
三揖。閱卷畢。三揖退。餘儀如之。見本學學師與
國學生見國子師同。○凡順天府屬官見長官
之禮。治中通判見府尹。與直省司道見督撫同。
見府丞。與直省司道見學政同。所屬州縣教職
見府尹。與直省州縣教職見督撫同。見府丞。與
見司道同。見治中通判。與見府倅同。經歷以下
官見尹丞。治中通判。與直省首領官見知府府

倅同。奉天府屬知府見府尹。如直省知府見督撫。見府丞。如直省知府見學政。餘均與順天府同。府州縣見。

盛京五部侍郎與府尹同。○凡士相見之禮。賓造門。主人出迎於大門外。揖賓。賓入。及門及階。皆揖如初。賓西。主人東升。賓再拜。主人答再拜。興。主人趨正賓坐。賓辭。固請。卒正坐。左還。賓正。主人坐。亦如之。賓受茶。揖。辭。退。揖。主人送賓。及階。及門。賓揖辭。主人皆答揖。遂送賓於大門外。揖如初迎儀。○凡弟子見受業師。師東嚮坐。弟子

北面侍坐。不迎送。餘如國學生見國子師之禮。
○凡見有服尊親父之執友之禮。入門通名。命
見。升階。北面再拜。尊者西面答揖。命坐揖。視尊
者坐所嚮。旁侍坐。茶至。揖。辭退。三揖。尊者皆答
揖。出不送。若尊長來見。迎送於大門外。餘如前
儀。

王貝勒府慶賀儀。○崇德元年定。親王生辰及
元日。該旗都統以下佐領以上官員。會集慶賀。
行二跪六叩禮。郡王生辰及元日。本府屬員會
集稱賀。行二跪六叩禮。貝勒生辰及元日。本府

屬員會集稱賀。行一跪三叩禮。若該屬官員無事。不至府慶賀者。治罪。○順治九年。題准親王郡王貝勒生辰及元日。該府屬員聽鳴贊人員贊唱行禮作樂。其鳴贊人員聽各府選擇。○乾隆十八年

諭。

皇考世宗憲皇帝時。因朝臣與諸王交接往來。曾經降旨訓諭。深戒黨援。用以防微杜漸。垂示方策。最為深切著明。所當永遠恪守。

聖訓慎持防檢。是以未經特頒諭旨。乃諸王中一二節

遴者。竟有招納之事。而大臣中亦有在王府中往來者。如此因循。則

皇考整飭風俗防弊遏邪之苦心。及朕而即弛。朕甚懼焉。且旗員素隸各王門下者。本自不禁。其非本門及漢大臣。則全無交涉。設有政務。何妨公言朝省。奚僕僕私謁為耶。歲時投刺。即開促膝密談之端。形迹未絕。保無掣肘顯為之時。且其意將以此為榮耶。抑別有所為耶。甚無謂也。日久漸忘。人或藉口。其令各部院及八旗衙門。各錄朕此旨。一通於壁。庶諸臣觸目儆心。遠嫌自重。其或再犯。被人糾參。朕將執法從事。

毋謂不教。

王公塗遇儀。○崇德元年定。親王出行。郡王遇讓道行。貝勒遇執事迴避。讓道旁行。貝子鎮國公固倫公主額駙和碩公主額駙遇。勒馬鞠躬。側立道旁候過。輔國公鎮國將軍民公都統尚書以下。皆下馬立道旁候過。固倫公主和碩公主遇。相讓尊長在先分路行。郡主以下縣君以上遇。停車候過。郡王出行。貝勒公主以下遇。與遇親王迴避儀同。貝勒出行。貝子鎮國公固倫公主額駙和碩公主額駙遇。讓道旁行。輔國公

鎮國將軍民公都統尚書遇。勒馬側立道旁候過。輔國將軍副都統侍郎等官以下。皆下馬立道旁候過。固倫公主和碩公主遇。貝勒讓道行。郡主縣主郡君遇。相讓分路行。縣君遇。停車候過。貝子出行。鎮國公和碩公主額駙遇。分路行。輔國公鎮國將軍民公都統尚書遇。讓道旁行。輔國將軍副都統侍郎及參領等官遇。勒馬側立道旁候過。佐領等官以下。皆下馬候過。固倫公主和碩公主遇。貝子勒馬候過。郡主縣主遇。貝子讓道行。郡君縣君遇。相讓分路行。鎮國公

出行。輔國公鎮國將軍民公都統尚書遇分路
行。輔國將軍副都統侍郎及參領等官遇勒馬
側立道旁候過。佐領以下等官皆下馬候過。輔
國公出行。鎮國將軍都統尚書等官遇分路行。
輔國將軍副都統侍郎等官遇讓道旁行。奉國
將軍參領佐領等官遇勒馬立道旁候過。護軍
校驍騎校等官及軍民人等皆下馬候過。鎮國
將軍出行。輔國將軍副都統侍郎等官遇分路
行。奉國將軍參領佐領等官遇勒馬立道旁候
過。護軍校驍騎校等官及軍民人等皆下馬候

過。輔國將軍出行。奉國將軍參領等官遇。讓道旁行。佐領等官遇。勒馬候過。護軍校驍騎校等官及軍民人等皆下馬候過。奉國將軍出行。佐領等官遇。讓道行。護軍校驍騎校等官及軍民人等皆勒馬候過。閒散宗室遇親王以下。輔國將軍以上。皆下馬。遇民公以下大臣。皆不下馬。分路行。覺羅有職者。各照品級迴避。遇親王以下。輔國將軍以上。皆下馬。遇民公都統尚書等官。皆引馬迴避。其餘各官。皆不迴避。讓道行。○又定親王府門郡王過。並隨從人員皆不下馬。

貝勒鞠躬趨馬過。隨從人員皆下馬。親王福晉
郡王福晉過。序長幼。應下車者步行過。不應下
車者徑過。隨從婦女各照其主。固倫公主和碩
公主。郡主。縣主過。並隨從婦女皆不下車。隨從
人員皆下馬。郡君。縣君過。不下車。隨從男婦皆
下車馬。貝子和碩公主。額駙。民公以下官員及
軍民人等過。皆下馬。貝勒夫人以下官員命婦
及軍民人等婦女過。皆下車馬。郡王府門與親
王同。貝勒府門。貝子鎮國公過。不下馬。隨從人
員皆下馬。輔國公和碩公主。額駙。民公以下官

員及軍民人等過。皆下馬。貝勒夫人過。序長幼。應下車者。步行過。不應下車者。徑過。隨從婦女。各照其主。郡君縣君過。並隨從婦女。皆不下車。隨從人員。皆下車。貝子夫人以下。官員命婦。及軍民人等。婦女過。皆下馬。○又定。凡奉

欽差及齋奉

教旨。或

欽賜恩賞者。遇王等於道。及過玉府門。皆不下馬。○

康熙十八年題准。和碩公主。遇親王郡王。停車候過。遇貝勒。相讓分路行。遇貝子。貝子讓道行。

和碩公主額駙郡主額駙遇親王郡王皆下馬立道旁候過。遇貝勒勒馬側立道旁候過。遇貝子讓道旁行。遇鎮國公分路行。閒散宗室遇和碩公主額駙不下馬。分路行。覺羅無職者遇和碩公主額駙不下馬。引馬迴避。餘照舊例行。

京官敵體相見。○原定京官敵體相見。賓及門從者通名。閹人入告。主人肅衣冠出迎於大門內。揖賓入。每門讓於賓。及階讓升。及門讓入。賓主皆北面再拜。興。主人為賓設坐西面。賓禮辭揖。主人答揖。卒正坐。賓為主人設坐東面。揖如

之。主人揖賓就坐。執事者進茶。賓受茶。拜手。主人答揖。飲茶敘語畢。賓告辭。揖。主人答揖。降階。賓辭。主人固請。乃送賓於大門外。視賓乘輿馬。主人乃退。尚書左都御史見大學士。儀亦如之。一品至八九品官。敵體相見。儀並同。二品以下。京堂官。翰詹科道。見大學士。主人迎於儀門內。送出大門外。不視乘輿馬。餘儀同。科道見左都御史副都御史各部尚書。主人送出大門外。退。不視乘輿馬。餘儀同。翰詹科道與閣部院寺監屬官相見。均與敵體相見。儀同。有尊卑名分者。

均各盡其尊卑之禮。

京官屬官見長官。○原定閣部院寺監屬官見長官。初見屬官公服詣署。首領官引至堂上。以銜名履歷呈於各長官坐案。屬官以次嚮坐。三揖。長官避席答揖。退若燕見。至大門外下輿馬。俟於門內。閽人通名。入見。長官迎於階下。詣廳事。廳事以南嚮為率。屬官當楣北面三揖。長官東面答揖。序坐。屬官東位西面。旅見則以次東西面。長官位於西南。東北面。命坐揖。茶至揖。凡屬官揖。長官皆答揖。啟事畢。三揖如初。辭出。長官送於二門外。屬

官出大門稍遠乘輿馬。見大學士儀同。○雍正
五年定。八旗官於本署白事。都統副都統前。參
領侍立。佐領以下官屈一膝。其侍衛藍翎侍衛
及騎都尉以上之副參領署參領。並視參領。雲
騎尉以下之副參領。並視佐領。驍騎校等官白
事於參領。屈一膝。佐領前侍立。步軍副尉在步
軍統領前。屈一膝。翼尉前侍立。步軍校城門領
在統領翼尉前。屈一膝。在協尉前侍立。公所
白事。都統副都統前。男以上官侍立。輕車都尉
以下官屈一膝。管旗務之王員勒貝子入八分

公前。參領以下官咸屈一膝。佐領係大臣兼攝者從其品。係小京官及科道等官兼攝者視參領。係宗室於八旗都統前皆侍立。前鋒統領護軍統領前。前鋒參領侍衛護軍參領侍衛以下。騎都尉以上之各副參領署參領。並視八旗參領。雲騎尉以下副參領署參領。及護軍參領署參領。並視八旗佐領。前鋒校護軍校。視八旗驍騎校。如八旗官白事於別旗各官長。與本旗同。有越分違例者。該管大員並稽查八旗御史題參議處。○又奉

旨。宗室管佐領白事於王公前。皆著屈一膝。○又定各部院司官路遇該管堂官。勒馬候過。在本署辦理事件。堂官上坐。司官侍立。若事件繁多。須詳議酌辦者。司官設褥席地序坐。○乾隆二十八年

諭。禮義廉恥。居官者立身之要。雖不可妄行驕縱。亦不應自處過卑。以為取悅上官之計。如侍衛及滿漢部屬與堂官接見回事。俱有一定體制。遵行已久。人所共知。近聞侍衛部院司官內。有見該堂官。輒行屈一膝者。或更因懇求之事。及本身稍負愆尤。即免冠叩

首者。至於途次相遇。有彼此乘馬。屬官竟行下馬者。於定例實為錯謬。向來滿洲除告兵告圍之外。從無長跪叩首之例。况侍衛係御前行走人員。在領侍衛內大臣前亦係侍立回事。從不屈膝。邇來新留京居住之索倫達呼爾等。在軍營時。於將軍大臣前每行跪叩。以致一時不能記憶。遂成習慣。不思伊等雖習於此。其他侍衛。又將何以行之。况伊等既現任侍衛。其本職禮儀。自當學習熟嫻。際此太平之時。並無軍旅之事。又何所求告耶。若不嚴行禁止。則彼此效尤。何所底止。著通行曉諭。侍衛部屬接見本管官。俱照

舊例侍立回事。即自行問候。不過鞠躬致意。已足達情。稱禮。僮傳行之後。有仍蹈前轍者。該堂官即行嚴加申飭。訓誨而不悛。即參奏治罪。如大臣等不以為事。妄自尊大。受此諂諛。恬不為怪。姑容此卑鄙無恥之徒。經朕查出。從重治罪。嗣後屬員等若即恃此不遵禮法。率行傲慢。縱肆。則尤為非禮。伊等務宜循分守例。以協舊章。再伊犁喀什噶爾等處辦事大臣前侍衛不應過於卑屈。即伊犁所設總統將軍。亦不過鎮守邊地。並非從前軍營將軍大臣可比。侍衛等亦不應屈膝跪叩。僮有似此者。該將軍大臣即嚴行訓

飭毋得任其日流於下。再聞邇來卑鄙無恥之徒。有
罔顧職任。稱莊親王誠親王為太王。及見王等長跪
請安者。此皆由一二無恥之人。以諂諛為謙恭。至於
此極。若久之沿為惡習。所關匪細。假如莊親王誠親
王諸子內有晉封王爵。而伊等已經退閒之後。其屬
下人等以伊為現任親王之父。稱為太王。尚可。今無
故遽稱為太王。將何所指耶。著嚴行禁止。此後如有
稱王等為太王。及見王等長跪請安者。凡王大臣遇
見。亦即行參奏。以儆敝俗。○嘉慶八年

諭。向來內廷皇子體制。本與諸王不同。各臣工俱長跪

請安。蓋緣皇子內有紹承大統者。外廷斷不敢存揣度。逢迎之見。是以一律長跪請安。迨正名定位。君臣之分秩然。諸皇子皆屬藩王。臣工等即有應行施禮之處。亦止當屈一膝請安。何得仍照在內廷時舊制。嗣後凡見親王郡王。如有仍蹈前轍長跪請安者。即著王等自行參奏。如大臣等遇見時。亦即指名參奏。若王等徇隱不奏。被人參奏。則王等亦難辭咎。至侍衛部院司員。於本管堂官接見禮儀。自有定分。遇有公事。止應侍立回堂。毋許屈膝請安。以肅體制。而杜諂諛。○十年

諭嗣後侍衛部院滿漢司員務當懍遵定例各知自愛。儻再有向該堂官屈膝請安者即著該堂官據實劾奏。儻徇隱不言致被科道糾參必將該堂官一併議處。但必須指名查參毋得含糊具奏。轉使自蹈卑鄙之員得以倖免處分。

京官塗遇儀。○崇德元年定。固倫公主額駙出行。鎮國公和碩公主額駙。遇分路行。輔國公鎮國將軍民公都統尚書等官。遇讓道旁行。輔國將軍副都統侍郎及參領等官。遇勒馬立道旁候過。佐領以下等官。遇皆下馬候過。

若額駙係親王郡王

貝勒各照本爵超等公和碩公主額駙出行都統子尚

書等官遇讓道旁行副都統侍郎參領等官遇

勒馬立道旁候過佐領等官以下遇皆下馬候

過若額駙係親王郡王貝勒貝子各照本爵民公郡主額駙出行都

統子尚書等官遇分路行副都統侍郎等官遇

讓道旁行參領佐領等官遇勒馬立道旁候過

護軍校驍騎校等官及軍民人等皆下馬候過

都統子尚書縣主額駙出行副都統侍郎等官

遇讓道旁行參領佐領等官遇勒馬立道旁候

過護軍校驍騎校等官及軍民人等皆下馬候

過。內大臣副都統護軍統領前鋒統領郡君額

駙大學士

謹案崇德年間大學士掌三院班次於六部尚書是以儀節與侍郎同。

侍郎等官出行。參領等官遇讓道旁行。佐領等

官遇勒馬候過。護軍校驍騎校等官及軍民人

等皆下馬候過。一等侍衛護衛參領前鋒參領

縣君額駙學士滿啟心郎齡郎中等官出行。佐

領等官遇讓道旁行。護軍校驍騎校等官及軍

民人等皆勒馬候過。二等侍衛護衛鄉君額駙

佐領漢啟心郎員外郎等官出行。護軍校驍騎

校等官及軍民人等遇讓道旁行。超等公以下

文武各官命婦皆照本夫迴避例。凡奉

欽差及齋奉

敕旨。或

欽賜恩賞者。遇應迴避官。不下馬。分路行。○順治八年題准。官員迴避等儀。均與崇德元年定例同。其新設官員。侯伯與民公同。男與副都統同。輕車都尉與參領同。騎都尉雲騎尉與佐領同。內大臣改與都統同。○九年題准。民公和碩公主額駙郡主額駙侯伯出行。都統子尚書等官。遇分路行。副都統侍郎等官。遇讓道旁行。參領郎

中佐領員外郎雲騎尉主事等官遇勒馬立道
旁候過。護軍校驍騎校等官及軍民人等皆下
馬候過。都統內大臣子尚書縣主額駙出行。副
都統侍郎等官遇讓道旁行。參領郎中佐領員
外郎雲騎尉主事等官遇勒馬立道旁候過。護
軍校驍騎校等官及軍民人等皆下馬候過。護
軍統領步軍統領副都統侍郎男前鋒統領郡
君額駙等官出行。參領郎中等官遇讓道旁行。
佐領員外郎雲騎尉主事等官遇勒馬候過。護
軍校驍騎校等官及軍民人等皆下馬候過。一

等侍衛護衛參領輕車都尉郎中縣君額駙等
官出行。佐領員外郎雲騎尉主事等官遇讓道
旁行。護軍校驍騎校等官及軍民人等遇皆勒
馬候過。二等侍衛護衛騎都尉佐領員外郎鄉
君額駙雲騎尉主事等官出行。護軍校驍騎校
等官及軍民人等遇讓道旁行。民公以下文武
各官命婦均照本夫迴避例。

國學師生相見。○原定國學生見國子師之禮
初見弟子公服具名東。國學首領官引至堂上。
北面三揖。師立受。辭退。北面三揖出。若燕見。通

名。俟於門內。師召入。迎於階上。弟子升階。俟師前行。隨入堂。當楣北面再拜。師西面答揖。師命坐。弟子北面揖。趨正師坐畢。侍坐於側。東位西面。旅見則以次列坐北上。師位於西南東北面。請問揖。茶至揖。辭退。北面三揖。師皆答揖。師出送前行。弟子從。及二門外。弟子三揖。俟師入乃退。翰林院庶吉士見大學士。及見教習庶吉士儀同。

順天府職官相見。○府尹與府丞相見平行。治中通判見府尹。與直省司道見督撫同。見府丞與直省司道見學政同。經歷以下等官見府尹。

府丞治中通判。與外府首領官見。府廳同。所屬州縣見。府尹。與見督撫同。見府丞。與見司道同。見治中通判。與見府廳同。

奉天府職官相見。○奉天府屬知府見。府尹。與順天府同。府州縣等官見。

盛京五部侍郎。與見府尹同。○乾隆二十八年奏准。奉天府尹於

盛京將軍。與各省巡撫於總督同。文移相見。俱用平行禮。府尹屬員見。

盛京將軍。與見府尹同。○又覆准。奉天理事通判。

經吏部奏准。改入本省大計案內考覈。與在外各通判同。其與府尹行文儀節。照各府州縣見督撫例。

直省文職官相見。○康熙三十三年定。督撫開門視事。撫先督後。每月逢五逢十。督撫司道府廳等官均停相見。大小各官除朝賀祭祀及到任外。相見不具朝服。○雍正八年定。總督河道

總督漕運總督巡撫觀風整俗使。

係特設。無定員。學院

巡鹽御史。巡察御史。巡視御史。相見坐次。及文移。均平行。司道見督撫。大門外下轎。由左門進。

督撫迎至堂後屏內。初見用履歷手本。具補服。行庭參禮。督撫親扶免。三揖。常見用官銜手本。三揖。坐次。督撫正坐。司道侍坐。待茶。辭出三揖。督撫送至暖閣後。司道三揖拱立。俟督撫入屏門。復三揖出。督撫次日用名柬答拜。凡司道揖。督撫皆答揖。文移。督撫下行用牌。司道上行用申文。府廳見督撫。由左門進。初見用履歷手本。具補服。行庭參禮。稟拜免。三揖。常見用官銜手本。三揖。旁坐。待茶。辭出三揖。督撫起立。不送。不答拜。凡府廳揖。督撫皆答揖。州縣見督撫。稟揖。

皆起立拱手。餘儀與府廳同。如府廳州縣同見。西嚮列坐。府廳在前。州縣稍後。教官見督撫。與州縣同。首領佐貳雜職等官見督撫。由左門進。初見用履歷手本。具補服。一跪三叩。不揖不坐。常見用官銜手本。餘儀同。府廳見司道。由左門進。初見用履歷手本。具補服。行庭參禮。司道親扶免。三揖。常見用官銜手本。三揖。坐次。府廳西面。司道東北面。待茶。辭出三揖。兩司送至暖閣後。各道送至大堂檐下。三揖出。司道於次日用名東答拜。凡府廳揖。司道皆答揖。文移。司道下

行用牌。府廳上行用申文。州縣見司道。行庭參禮。稟拜免。不答拜。餘儀與府廳同。教官見司道。與州縣同。首領佐貳雜職等官見司道。與見督撫同。同知通判見知府。用晚生名東。由中門進。行賓主禮。文移。府用關文。同知通判用牒呈。州縣佐貳見州縣。與佐貳見知府同。知縣見府廳。府送至堂後屏內。廳送至大堂前檐下。餘儀與知府見司道同。文移。府廳下行用牌。知縣上行用申文。直隸州知州見上司及接屬員。與知府同。與各府皆用牒呈。府與直隸州用墨筆照會。

州行所轄知縣用牌。知縣用申文。非所屬者。仍用移文。直隸州州同州判見上司及接屬官。與同知通判同。兩司首領官與府廳州縣相見。用名東。由中門進。惟照磨知事於府廳用晚生名東。由左門進。皆行賓主禮。文移。府廳州縣用關文。兩司首領等官與府用牒呈。與廳及州縣用關文。教官見府廳。與知縣同。府首領與縣佐貳等官見知府。與見司道同。見廳與州縣見兩司同。雜職等官見府廳。與見司道同。直隸州儒學及州縣儒學見知州知縣。用晚生名東。由中門

進行賓主禮。文移。知州用牒。儒學用牒呈。與州同州判平行。吏目典史巡檢驛丞雜職見知縣。如知縣見知府禮。文移。知縣用牌。雜職用申文。知縣與府首領州同州判皆平行。○乾隆二十九年覆准。各省直隸州學正訓導見本管知州及文移俱與知縣同。○三十三年奏准。督撫新任莅境。司道大員許差役至本省境內迎接一次。府州縣官許於本管地方十里內躬迎。其並不經由及經由離城十里以外之府州縣概不准其迎接。司道府以下等官到任屬員亦照此。

例行。

欽定大清會典事例卷四百十

禮部

相見禮

直省武職官相見

直省文武官相見
督學官
學官
等官相見
外藩見

內王公文武官

直省武職官相見。○雍正八年定。總兵見提督。

行賓主禮。文移皆平行。副將見提督。轅門外下

馬。由左門進。初見用履。歷手本。稟披執。免補服。

帶刀。行庭參禮。提督親扶免。三揖。待茶。常見用

官銜手本。免稟披執。仍帶刀。三揖。提督皆出位

答揖。坐次。提督正坐。副將侍坐。辭出三揖。提督

送至所坐堂檐下。文移。提督下行用牌。副將上行用詳文呈文。參將遊擊見提督。行一跪三叩禮畢。三揖。提督起立答揖。待茶。趨出不揖辭。提督起立不送。餘儀與副將同。都司守備見提督。由左門進。初見用履歷手本。披執唱銜。三叩。席地跪坐。常見用官銜手本。免披執唱銜。仍帶刀。三叩出。提督不起立。千總把總見提督不坐。餘儀與守備同。副將見兼轄總兵官。總兵官迎至堂後屏內。送至暖閣後。副將揖。總兵平立答揖。餘儀與見提督同。文移。總兵用牌行某協銜門。

副將用咨呈。外協不屬者。行賓主禮。文移。總兵用照會。副將用咨呈。參將遊擊見本轄總兵官。行庭參禮。稟拜免。三揖。常見用官銜手本。三揖。總兵官皆出位答揖。餘儀與見提督同。如非本轄參將遊擊行庭參禮。總兵親扶免。辭出。總兵送至所坐堂檐下。餘儀同。文移。總兵下行用牌。參將上行用詳文呈文。都司守備見總兵官旁坐待茶。餘儀與見提督同。千總把總見總兵官。與見提督同。參將見副將。行賓主禮。文移平行。遊擊見本轄副將。行庭參禮。副將親扶免。辭出。

副將出位送。餘儀與見總兵官同。文移。副將用牌行。遊擊以下皆用詳文呈文。如非本轄者。相見坐次皆平行。文移。副將用平關手本。遊擊用平關咨呈。都司守備見本轄副將不唱銜。凡揖。副將皆起立答揖。餘儀與見總兵官同。如非本轄者。儀與參遊見同。文移。副將用照會。都司守備用呈文。千總把總見副將。與見總兵同。遊擊見參將。行賓主禮。文移皆平行。都司守備見本轄參將。遊擊行庭參禮。常見三揖。坐次。參將遊擊僉坐。都司守備旁坐。待茶畢。三揖辭出。參將

遊擊出位送。凡揖。參將遊擊皆答揖。餘儀與見副將同。文移。參將遊擊用牌行。都司守備用詳文呈文。如非本轄者。都司與參將遊擊皆平行。守備仍行庭參禮免。三揖。參將遊擊答揖。出送至堂後屏內。文移。參將遊擊用照會。守備用咨呈。千總把總見參將遊擊。與見副將同。文移。參將遊擊用牌行。千總把總用詳文呈文。守備見都司。行賓主禮。文移皆平行。千總見本轄都司守備。行庭參禮。都司守備答揖。常見用官銜手本。一揖就坐。都司守備正坐。千總旁坐。茶畢趨

出。都司守備出位送。餘儀與守備見參遊同。文移。都司守備用牌行。千總用詳文呈文。如非本轄者。千總行庭參禮。都司守備親扶免。三揖。都司守備答揖。出送至堂後。文移。都司守備用照會。千總用呈文。把總見都司守備。初見三叩。都司守備答揖。常見一揖。旁坐待茶畢。趨出。都司守備起立不送。餘儀與見參遊同。文移。都司守備用牌行。把總用詳文呈文。千總把總相見。坐次文移。皆平行。

直省文武官相見。○順治十二年題准。提督見

總督由中門入。至儀門外下馬。總督至提督堂前下轎。坐次。總督正坐。提督侍坐。如提督兼子爵以上者。總督居左。提督居右。文移。總督用劄付。提督用咨呈。與巡撫相見坐次及文移皆平行。如巡撫加兵部銜者。提督於儀門外下馬。與司道府廳相見坐次。文移皆平行。惟府廳於提督儀門外下轎馬。州縣見提督。由左門出入。提督迎送至堂檐下。後堂待坐。州縣官旁坐。文移用呈稟。總兵官見總督。用履歷手本。大門外下馬。由左門進。堂上三揖。總督答揖。後堂待坐。總

督正坐。總兵官旁坐。出送至堂檐下。見巡撫。參
堂待坐。巡撫拜總兵官。大堂列坐。皆至儀門下
轎馬。迎送至下轎馬處。文移各用手本。巡撫加
兵部銜者。總兵官由左門進。堂上三揖。巡撫答
揖。後堂待坐。迎送至堂檐下。與司道分司今停
運司相見。皆平行。文移各用手本。與府廳相見
平行。總兵官文移行府。仰經歷司鈔文呈堂。府
亦行經歷司。轉呈總兵。與州縣相見。行賓主禮。
文移用關牒。副將見總督。初見披執。用履歷手
本。行一跪禮。稟拜免。仍行一跪一揖禮。出更衣。

入侍立。白事畢。旁立。三揖出。常見不披執具銜
名手本。餘儀同。見巡撫。初見披執。行庭參禮。出
更衣。入照司道例進見。參堂待茶。三揖出。見巡
漕巡鹽。學政用官銜手本。於大門外下馬。由
儀門進。各迎至月臺下。上堂三揖。呈送履歷及
公文。各一揖。參堂待茶。對坐。出入讓各院先行。
下堂三揖。送至二門外。副將候各院回至公座
邊。三揖出。副將自稱官銜。各院答拜不用名。東
與布按相見。皆平行。文移用手本。出入由左門。
與各道相見。皆平行。文移用手本。移會如協守。

副將於二門外下馬。由中道進。本道迎至月臺下。堂上待茶。出送至二門外。視乘馬。與各部分司。運司。府。廳。州。縣。官。相見。皆平行。參將遊擊見總督。用履歷手本。披執進見。行一跪一揖禮。出更衣。再見。一跪一揖。稟拜。四叩出。見巡撫。由左門進。至堂檐下行。全屬禮。耳房待茶。出。仍行全屬禮。旁立三揖出。見布按。皆平行。文移用咨文。出入由左門。於二門外下馬。參堂待茶。見各道皆平行。於二門外下馬。由中門進。各道迎至堂檐下。參堂待茶。送至二門外。視乘馬。文移用手

本與府廳州縣相見皆平行。都司見總督與參將同。都司隨兩司見巡撫。稟拜免。行三揖禮。後堂待茶。仍至前堂。三司一揖出。如獨見仍行庭參禮。都司初見及霜降日。皆披執進參。出更衣。入見。照司道例待茶。見布按平行。文移用咨文。出入由左門。於二門外下馬。參堂待茶。見各道平行。營都司屯田都司今見本道行庭參禮。見各部分司皆平行。行都司今見戶部分司。二門外下馬。後堂待茶。分司往拜。月臺下轎。大堂待茶。營都司見分司。用官銜手本。堂前行禮畢。一

揖即出。與運司府廳州縣官相見皆平行。專城並道標及各營中軍守備。見總督巡撫皆由左門進。至堂檐下。行庭參禮。初見披執。各衛掌印守備。並城守守備中軍守備皆行全叩禮。見布按各道用腳色手本。行庭參禮。文移用申呈。初見稟披執。加都司銜者。仍行守備禮。見分司。堂前行禮。分司答揖。文移用呈。分司用牌。見知府。用手本。行屬禮。文移用呈。知府用照會。見廳州縣皆平行。凡提督總兵官以下。守備以上。遇督撫閱兵操演。咸披執。○十三年題准。州縣官見

提督及總兵官大門外下轎馬。由左門進。至堂檐下三揖。提督總兵官正坐。州縣侍坐。茶畢稟辭。由右門出。不往拜。文移。州縣用申文。提督總兵官用照會。見副將用官銜手本。大門外下轎馬。進中門。由甬道東邊至堂檐下三揖。副將還禮。後堂待茶。送至堂前。出大門外上轎馬。文移。州縣用牒呈。副將用照會。其餘文武各官相見。與十二年定例同。十八年題准。提督見總督。至儀門外下轎馬。總督答拜。於堂檐前下轎。坐次。總督正坐。提督僉坐。與巡撫相見平行。文移。

皆用咨文。司道分司運司見提督於儀門下轎。提督迎於堂檐下。提督見司道等官。儀門下轎馬。司道迎出儀門。送至各迎處。坐次。提督正坐。司道等官僉坐。文移。提督用照會。司道等官用咨呈。府廳見提督於大門外下轎馬。由中門進。坐次。提督正坐。府廳侍坐。提督迎送至檐下。文移。提督用劄付。府廳用牒呈。州縣見提督於大門外下轎馬。由左門進。坐次。提督正坐。州縣侍坐。提督不迎送。文移。提督用劄付。州縣用申文。總兵官見總督。至儀門外下馬。總督迎至階上。

總督答拜總兵官。於堂檐前下轎。總兵官迎出儀門。送至各迎處。坐次。總督正坐。總兵官侍坐。文移。總督用照會。總兵官用咨呈。與巡撫相見。行賓主禮。文移。用咨文。與司道相見。皆平行。文移。用咨文。府廳見總兵官。於二門外下轎。馬。總兵官迎至階上。總兵官見府廳。於儀門外下轎。馬。府廳迎出儀門外。送至各迎處。坐次。總兵官正坐。府廳僉坐。文移。總兵官用照會。府廳用咨呈。州縣見總兵官。於大門外下轎。馬。由中門進。總兵官迎送至檐下。坐次。總兵官正坐。州縣侍

坐。文移。總兵官用照會。州縣用咨呈。副將見總督。用履歷手本。於大門外下馬。由左門進。初見稟披執。免。補服帶刀。常見仍帶刀。均北面三叩興。西面侍立。待茶畢。三揖退。初見巡撫。稟披執。免。行庭參禮。巡撫親扶。免。三揖。巡撫正坐。副將侍坐。常見三揖。辭退三揖。巡撫送至堂後屏門內。文移。巡撫下行用劄付。副將上行用申文。與分司司道運司府廳相見。行賓主禮。文移。各用手本。州縣見副將。用官銜手本。於大門外下轎馬。由中門進。副將迎送至檐下。免三揖。文移。副

將用照會。州縣用牒呈。參將遊擊以下武官見總督。用履歷手本。免披執。行一跪三叩禮。參將遊擊見巡撫。於大門外下馬。由左門進。坐次。巡撫正坐。參將遊擊侍坐。巡撫迎送至檐下。文移。巡撫下行用劄付。參將遊擊上行用申文。與布按文移用咨文。與各道分司運司用手本。與府廳州縣用平關。相見俱平行。都司守備千總見巡撫。於大門外下馬。由左門進。免披執。行全屬禮。巡撫不迎送。守禦所千總衛千總。行一跪三叩禮。文移。巡撫下行都司用劄付。行守備千總

用牌票。都司守備千總上行均用申文。都司見布按行賓主禮。與各道分司運司平行。文移俱用手本。與府廳州縣平行。文移用平關。分防標下中軍守備。掌印專城。並道標中軍及各營中軍守備。見巡撫於大門外下馬。由左門進。免披執。行全屬禮。巡撫不迎送。文移。巡撫用劄付。各守備用申文。見司道用官銜手本。於大門外下馬。由中門進。司道迎送至檐下。文移。司道用照會。守備用牒呈。見分司府廳州縣。行賓主禮。文移用手本。又定。直省鎮守將軍與督撫提鎮

相見。各不相轄。行賓主禮。文移皆用咨。其餘文武各官見本省將軍與督撫同。○康熙二十二年題准。協領參領等官見督撫。照布按兩司例行。佐領防禦等官照各道員例行。驍騎校以下官照知州知縣例行。○又題准。宣化屬廳員有稽查錢糧之責。其屯衛守備行屬官禮。○雍正八年定。督撫提督相見。行賓主禮。文移皆平行。○乾隆元年奏准。凡子爵與府廳州縣相見。照總兵官例行。男爵與府廳州縣相見。照副將例行。輕車都尉參領與府廳州縣相見。照參將例

行。騎都尉副參領佐領與府廳州縣相見。照都
司例行。雲騎尉並五品官與府廳州縣相見。照
守備例行。至驍騎校護軍校。即有差委。俱係隨
從之員。其與府廳州縣接見。有派往正員。毋庸
另議。○五年奏准。各處駐防副都統與督撫相
見行文。及司道府廳州縣與駐防副都統相見
行文。悉照總兵官之例。其餘鎮守將軍不相統
轄者。亦照總兵官例。行賓主禮。○六年覆准。副
都統與督撫相見。行賓主禮。文移俱用平行。至
司道府廳州縣相見行文。仍照總兵官之例。毋

庸另議。○十四年定。經略大將軍所過地方。守土官將軍督撫蟒袍補服出郭迎候。文官司道以下咸蟒袍補服。武官總兵以下咸披執。率弁兵列隊跪道迎接。提督副都統近前問安。經略大將軍升官廳正坐。將軍督撫旁坐。文官司道以下。武官提督副都統以下。行庭參禮。至起行時。將軍督撫以下各官候送。如前儀。○又定。凡軍營設大幕議事時。經略大將軍正坐。參贊大臣及一品官咸僉坐。有問則起立。參贊出入。經略大將軍起立不迎送。提鎮等官稟事。由傳宣。

官轉達。令入則引進。令坐則嚮上僉坐。每月及逢五逢十常參之期。參贊等官入幕。按品列坐待茶。凡參贊大臣一品大臣入見。於營門內下馬。餘官於營門外下馬。○二十六年覆准。外省駐防之副都統。與不係所屬之副將往來文移。副都統用照會。副將用咨呈。○二十七年

諭。各省駐防將軍。品階列在總督之上。地方雖非專屬。而尊卑異等。相見自有定之儀。載在會典。遵行已久。陝西一省地方各屬。接見將軍。並不照接見督撫之例。是則甚非政體。國家於省會分駐重兵。將軍職

司統轄。有司不循禮節。匪獨體貌攸關。在官必生文武之嫌。在下易滋兵民之事。不可不深防其漸。著通諭各省。俾知恪遵定制。毋得稍踰。以肅官聯。○又

諭各省將軍總督班次。因將軍銜大。俱在總督前。此定例也。但總督未兼銜者。理應如此。若經加恩兼銜者。其班次即當照兼銜序定。即如尹繼善兼御前大臣。高晉兼內大臣。其銜俱在將軍上。自應在將軍前列。嗣後有朕加恩兼銜者。其班次俱照此前列。永著為例。○又覆准青州副都統與司道等官相見及文移往來。仍照副都統儀節遵行。路途相遇。亦用平

行禮。府廳以下文移用咨呈。路途相遇。出轎候過。○又覆准。屯衛守備與同知通判相見。比照乾隆四年安省衛守備之例。相見儀節。及往來文書。均用平行。○二十九年覆准。總督巡閱案臨各鎮。閱兵操演。總兵官於總督案臨各鎮時。照司道初見總督之儀接見。總督將至。總兵官出城迎接。路旁打恭。隨至教場。候總督升座。總兵官上堂北面稟參。總督辭嚮上三揖。總督出座答揖。總兵官旁立。事畢。總督升轎馬。總兵官在旁打恭。送至原接處。仍於路旁打恭。○又覆

准。松茂道兼兵備職銜。其松潘鎮屬各協營都司以下。均聽節制。凡往來文移及相見儀。俱行屬員禮。○又奏准。伊犁所設參贊大臣。前經奉旨改為伊犁將軍。所有烏里雅蘇台將軍。喀什噶爾參贊大臣。與伊犁將軍文移俱用咨。提督總兵官與伊犁將軍文移。照本處駐紮大臣之例用咨呈。○三十三年覆准。南河淮揚淮徐兩河道。既奉

旨。照東省運河道之例加兵備銜。其與都司往來一切儀節。亦照川省松茂道之例遵行。○四十年覆

准。巴里坤領隊大臣。與理事同知通判文移儀節。悉照府廳見四品以下學政之例。此外各直省理事同知通判與駐防副都統。仍照成例遵行。○四十五年

諭。城守尉係無將軍副都統駐紮之省分。統轄滿洲兵丁之大員。不比地方官員。雖屬總督巡撫所管。亦不過兼管。並非竟為所屬。城守尉或有在布政使按察使之前。或有在布政使按察使之後。排列者。更不合理。應定例畫一。以後城守尉在布政使之前。排列。著為例。○五十九年

諭朕恭閱

世宗憲皇帝實錄內載欽奉

諭旨。以督撫提鎮因公接見。自有一定之禮儀。不應過卑過亢。乃聞有督撫倨傲妄行。而提鎮等遂卑躬屈節。以為諂媚者。方今綱紀整肅。督撫等接見提鎮藩臬。自不敢倨傲妄行。但奉行日久。因公晉接時。或有不遵頒定儀注。妄自尊大者。特此再行申諭。該督撫等務須遵循定制。倍加謹懍。提鎮及兩司等亦當各知自重。不得過為卑屈。以肅官常。而昭體制。○嘉慶

二十二年

諭朕近聞外省知府同知竟有與提督並行者恐蹈前
明重文輕武惡習著該部查明會典內文武相見儀
注頒示各省令各遵例以禮接見

督學管關等官相見○康熙二十九年題在各
關監督與督撫司道以下官相見及用文移均
照副將例行○雍正八年定司道見學院用官
銜名東儀門外下轎由中門進學院迎至堂檐
下司道三揖學院讓入後堂行賓主禮待茶辭
出三揖學院送至堂檐下三揖由中門步出學
院隨用名東答拜凡司道揖學院皆答揖文移

學院行兩司。仰兩司經歷司鈔文呈堂。兩司亦
票仰經歷司轉呈學院。學院行道府以下。皆用
牌。各道用呈文。如學院係三品以上京堂出差
者。司道以下各官與見督撫禮同。文移亦同。府
廳見學院。大門外下轎。由中門進。學院迎送於
堂後屏門外。餘與司道見督撫同。學院於次日
用名東答拜。文移。學院用牌。府廳以下皆用申
文。州縣見學院。行庭參禮。學院出位答揖。辭出。
學院送至堂後屏門內。餘與見督撫同。教官見
學院。與知縣見督撫同。首領佐貳雜職等官見

學院。與見督撫同。司道以下等官。見巡鹽御史。巡察御史。巡視御史。與見學院同。文移亦同。鹽運使鹽道。見鹽院。與司道見督撫同。文移亦同。運同。運副。提舉。運判。見鹽院。與府廳見督撫同。文移亦同。鹽運使司經歷。知事。大使等官。見本管上司。與首領雜職。見上司禮同。文移亦同。如鹽大使。由舉人進士出身者。其見上司。與州縣同。運使見督撫。與司道同。運同見督撫。與知府同。運副。提舉。運判。見督撫。與同知。通判同。○乾隆五年。覆准。江甯織造。與各衙門往來文移。不

按照品級大小。除與督撫司道文移俱係平行外。行各府州縣。俱用牌文。仍照從前舊例。其龍江稅關衙門。現係織造兼管。亦照舊例遵行。○又奏准。織造稅差等官。係三品以上京官職銜者。與督撫相見行文。照總兵官與巡撫相見行文之例。與司道以下各官相見行文。亦照總兵官之例行。至兼銜或武職。即過三品。仍照會典所載之例。毋得踰越。○六年覆准。織造與督撫相見。仍照先行賓主禮。文移俱用咨。與司道運司相見俱平行。文移俱用咨。府廳州縣見織造。

仍於大門外下轎馬。由角門進。文移織造仍用牌檄。府廳州縣用咨呈。○二十六年覆准。長蘆運同。運判。見運使。與府廳見司道同。其文移往來。亦照此例。○三十五年議准。九江關監督。係欽差專司關樞之員。體制與道員等。其派委稽察稅務之府佐貳。與

欽差監督相見。照府廳見道員禮。

外藩見內王公文武官。○崇德年間定。外藩親王來見親王。主人出殿降階迎。主人居左。賓居右。俱由中門入。主人西面立。賓東面立。行二跪。

六叩禮。主人答禮畢。就坐。主人位於東。賓位於西。從官於殿外行二跪六叩禮。從賓後坐。燕畢辭退。從官行一跪一叩禮。先退。賓離位行一跪一叩禮。主人答禮如之。送至階下。本府屬官送至府門外退。外藩郡王來見。主人出殿迎。不降階。由中門先入。賓隨入。行二跪六叩禮。主人跪受半禮。答半禮。燕畢辭退。賓離坐行一跪一叩禮。主人跪拱手不叩。興送出殿。不降階。餘儀與外藩親王見同。外藩貝勒來見。主人離坐迎。不出殿。賓由右門入。行二跪六叩禮。主人拱手立。

受就坐。主人位正中。賓位西旁。燕畢辭退。賓離
坐行一跪一叩禮。主人立受如初。賓出不送。餘
儀與外藩郡王見同。外藩貝子公來見。本府屬
官引見殿內。行二跪六叩禮。主人拱手正坐受。
燕畢辭退。賓離坐行一跪一叩禮。主人坐受如
初。從官在殿外行一跪一叩禮畢。出。餘儀與外
藩貝勒見同。外藩親王來見郡王。主人迎至大
門內。俱由中門入。賓主對行二跪六叩禮。燕畢
辭退。賓起行。主人送至大門內。餘儀與見親王
同。外藩郡王來見。與內外親王相見同。外藩貝

勒來見。與外藩郡王見親王同。外藩貝子來見。與外藩貝勒見親王同。外藩公來見郡王。與外藩貝子見親王同。外藩親王來見貝勒。主人迎於府門外。賓先行。主人稍後。俱由中門入。賓主對行一跪三叩禮。從官行禮亦一跪三叩。燕畢辭退。送出府門外。餘儀與見郡王同。外藩郡王來見。賓主及從官行禮。均一跪三叩。餘儀與外藩親王見郡王同。外藩貝勒來見。賓主行禮。咸一跪三叩。餘儀與內外郡王相見同。外藩貝子來見。賓一跪三叩。主人跪拱手受。餘儀與外藩

貝勒見郡王同。外藩公來見。與外藩貝子見郡王同。外藩王貝勒來見貝子。貝子迎於大門外。賓先行。主人隨入。賓主行一跪一叩禮。從官亦一跪一叩。主人拱手坐受。燕畢辭退。從官行禮。拱受如初。送賓於大門外。候乘馬乃退。餘儀與外藩郡王見貝勒同。外藩貝子來見。賓主行禮。咸一跪一叩。餘儀與內外貝勒相見同。外藩公來見。賓主行禮。咸一跪一叩。餘儀與外藩貝子見貝勒同。外藩王貝勒來見公。與見貝子同。外藩貝子來見。迎送於大門內。餘儀與外藩貝勒

見貝子同。外藩公來見。與內外貝子相見同。○
乾隆四十三年奏准。回疆伯克並土爾扈特金
川番子相見大臣禮節。回疆伯克等。今係駐防
大臣所屬。每初一十五兩日進署相見。平日不
得私見。如有事面回。方許相見。再阿奇木並四
五品以上伯克初次相見。照舊請安。其初一十
五進署及當面回事。俱不叩頭。六品以下小伯
克等。大臣初至相見。各員俱准請安。平日不必
叩頭。再土爾扈特王貝勒貝子公等。仍照常以
禮相會。台吉以下旁坐隨行。金川衆夷官接見

大臣。照屯練之例。向來雜谷腦屯弁給予都司守備千總外委武職銜。與綠營員弁無異。仍循其舊。至明正各土司品級大小不同。俱仿照伯克之例行。○五十五年奏准。直省總督巡撫接見外藩國王。賓至轅門。從官致辭。執事官轉啟。賓乘輿至大堂。督撫延賓於大堂上。賓西面。主人東面。賓行一跪三叩禮。主人答拜。興。賓東。主人西。升階。各就坐。從官階下北面西上。行一跪三叩禮。興。執事官獻茶。賓受茶。揖。主人答。飲訖。令通事傳語慰問。致辭畢。從官階下跪一叩先

退。賓離席。一叩辭。主人答興。降階送。賓升興退。
司道以下各官接見。俱用賓主禮。其通事傳語
慰問。較督撫遞加和巽。